

**Bosna i Hercegovina**  
**Federacija Bosne i Hercegovine**  
**Kanton Sarajevo**  
**Javna ustanova**  
**Terapijska zajednica – Kampus Kantona Sarajevo**  
**Sarajevo**

**P R A V I L N I K**  
**O ZAŠTITI OD POŽARA**

**Sarajevo, novembar 2008. godine**

Na osnovu člana 27. Zakona o zaštiti od požara ( „Službeni list SFRJ” br.15/87, 37/88, 38/89 i „Službeni list R BiH” br. 36/90 i 13/93) i člana 31. stav 1. Statuta Javne ustanove „Terapijska zajednica – Kampus Kantona Sarajevo”, Upravni odbor Javne ustanove „Terapijska zajednica – Kampus Kantona Sarajevo” je na 19. sjednici održanoj dana 26.11.2008. godine, a na prijedlog direktora d o n i o

## **P R A V I L N I K O Z A Š T I T I O D P O Ž A R A**

### **I- OPĆE ODREDBE**

#### **Član 1.**

Ovim Pravilnikom o zaštiti od požara (u daljnjem tekstu: Pravilnik) uređuju se osnovna prava, obaveze i odgovornosti lica koja su dužna sprovoditi mjere zaštite od požara i svih zaposlenika u vezi unaprjeđenja zaštite od požara i eksplozije, sprječavanja izbijanja požara, otklanjanjem opasnosti od požara, spašavanjem ljudi i materijalnih dobara ugroženih požarom u JU Terapijska zajednica – Kampus Kantona Sarajevo i svim njenim organizacionim jedinicama (u daljnjem tekstu: Kampus).

#### **Član 2.**

Zaštita od požara obuhvata skup mjera i radnji koje se utvrđuju i preduzimaju u cilju sprečavanja nastanka, lokalizacije i gašenja požara i spašavanja ljudi i materijalnih dobara iz prostora koji mogu biti ugroženi požarom.

#### **Član 3.**

Zaštita od požara organizira se i sprovodi u svim dijelovima procesa rada, odnosno u svim objektima Kampusu, radnim i drugim prostorima službi Kampusu, a u skladu sa Zakonom o zaštiti od požara i propisa donijetim na osnovu zakona, odredbama Pravilnika i drugih akata. Mjere za zaštitu od požara propisane Pravilnikom sprovode svi zaposlenici, kao i sva lica koja se po bilo kom osnovu nalaze ili zadržavaju u objektima Kampusu i drugim prostorima Službi.

### **II- MJERE ZAŠTITE OD POŽARA**

#### **Član 4.**

Mjere zaštite od požara imaju za cilj otklanjanje uzroka nastanka požara, sprječavanje izbijanja požara, širenja i gašenja požara.

#### **Član 5.**

Mjere zaštite od požara u smislu ovog Pravilnika su:

- redovno upoznavanje zaposlenika sa opasnostima od požara, odnosno redovna provjera znanja svih zaposlenika ili oblasti zaštite od požara,
- održavanje vanjskih i unutrašnjih požarnih puteva i prolaza,
- obezbjedenje potrebnih količina vode i drugih sredstava za gašenje požara,
- izbor materijala i instalacija kojima će se spriječiti ili svesti na najmanju moguću mjeru mogućnost izbijanja i širenja požara,
- zabrana upotrebe otvorene vatre i drugih izvora paljenja objektima i prostorijama,
- postavljanje uređaja za gašenje požara i sprječavanja njegovog širenja,
- način spašavanja ljudi i materijalnih dobara,

-održavanje i kontrola ispravnosti uređaja i instalacija, jer neispravnost može utjecati na nastanak i širenje požara.

#### **Član 6.**

Električne, toplovodne, gromobranske i druge instalacije i uređaji, kao i dimovodi, moraju se koristiti prema propisanim tehničkim normativima i uputstvima proizvođača o čemu mora postojati dokumentacija.

#### **Član 7.**

Prijenosni aparati za početno gašenje požara moraju se redovno ispitivati prema uputstvima proizvođača odnosno standardima.

**Ispitivanje prijenosnih aparata može vršiti pravno lice i samostalni pravednik registрован za tu djelatnost, koji imaju odgovarajuću opremu i stručne zaposlenike, ovlaštene od strane proizvođača za obavljanje te djelatnosti.**

O izvršenim ispitivanjima i pregledima vodi se evidencija, koja sadrži identifikacijski broj aparata, ima zaposlenika koji vrši ispitivanje i datum izvršenog pregleda.

### **Posebne mjere zaštite od požara**

#### **Član 9.**

U prostorijama Kampusu potrebno je sprovoditi mjere zaštite i to:

- zagrijavanje prostorija može se vršiti samo zatvorenim parnim sistemom,
- prije napuštanja prostorija moraju se otkloniti sve vatroopasne materije i izvršiti detaljan pregled radi otklanjanja svih uzročnika eventualnog požara,
- vatrogasni aparati moraju biti na vidnim i pristupačnim mjestima.
- po završetku radnog vremena ili privremenog napuštanja prostorija Kampusu, zaposlenici u ovim prostorijama dužni su izvršiti pregled mogućih izvora požara (trošila i uređaji, zaboravljena upaljena cigareta i drugi mogući izvori požara),
- zabraniti unos peći i grijalica u prostorije Kampusu.

### **III – ORGANIZACIJA I NAČIN VRŠENJA UNUTRAŠNJE KONTROLE ZAŠTITE OD POŽRA**

#### **Član 10.**

Unutrašnju kontrolu zaštite od požara sprovodi na nivou Kampusu lice koje odredi direktor rješenjem.

#### **Član 11.**

Odgovorno lice za poslove zaštite od požara dužno je jednom godišnje organizirati upoznavanje svih zaposlenika sa požarnim aparatima, ako i s mjerama i sredstvima za gašenje požara, praktičnom upotrebom prijenosnih aparata za početno gašenje požara, kao i sa materijalnom i drugom odgovornošću zbog nepridržavanja propisanih mjera zaštite od požara.

Provjera znanja zaposlenika Kampusu odgovorno lice vrši jedanput godišnje o čemu mora postojati dokumentacija.

## **IV – ODGOVORNOST**

### **Član 12.**

Upravni odbor ima slijedeće dužnosti:

- donosi Pravilnik o zaštiti od požara, program obuke zaposlenika iz oblasti zaštite od požara i druga akta u vezi sa tim,
- ostvaruje uvid u stanje mjera zaštite od požara i iste unaprjeđuje kao i obezbjeđuje sredstva za realizaciju,
- utvrđuje materijalnu i drugu odgovornost zaposlenika za stanje mjera zaštite od požara, sprovođenje propisa i naloženih mjera,
- vrši i druge poslove i zadatke koji mu se stave u nadležnost kao i one koje doprinose unaprjeđenju zaštite od požara.

### **Član 13.**

Direktor ima slijedeće dužnosti:

- predlaže donošenje općih akata kojim se uređuje zaštita od požara,
- dostavlja Upravnom odboru prijedloge mjere i finansijskih sredstava za sprovođenje mjera zaštite od požara,
- razmatra izvještaje o stanju zaštite od požara,
- organizira obuku zaposlenika iz oblasti zaštite od požara i informira o stanju mjera zaštite od požara,
- određuje zaposlenika i izdaje mu rješenje kojim mu stavlja u nadležnost sprovođenje mjera zaštite od požara.

### **Član 14.**

Odgovorno lice za sprovođenje mjera zaštite od požara ima slijedeće dužnosti:

- brine o ispravnosti električnih, toplovodnih, građevinskih, dimovodnih i drugih instalacija,
- drži u pripravnosti i u ispravnom stanju uređaje, alat i opremu za gašenje od požara na mjestima koja su lako pristupačna,
- brine se o vršenju obuke zaposlenika i provjeri njihovog znanja iz oblasti zaštite od požara,
- redovno dostavlja izvještaje o zaštiti od požara direktoru,
- vodi svu potrebnu dokumentaciju iz oblasti zaštite od požara,
- stara se o količini, ispravnosti i namjenskom korištenju sredstava i opreme za zaštitu od požara,
- dostavlja izvještaje nadležnim organima Kantona Sarajevo o eventualnim nedostacima i nepravilnostima u vezi sa zaštitom od požara,
- zabrani rad u prostorijama i objektu ako postoji neposredna opasnost od nastanka požara, ukoliko se takva opasnost na drugi način ne može otkloniti,
- zabrani rad zaposleniku koji grubo krši propise o zaštiti od požara ili na drugi način predstavlja opasnost da izazove požar,
- u slučaju nastanka požara organizira akciju gašenja požara i njome rukovodi, a ako se požar ne može ugaziti poziva vatrogasnu jedinicu i obavještava o tome direktora i šefove službi Kampusa, a do njihovog dolaska sprječava širenje požara,
- vrši i druge poslove u vezi sa zaštitom od požara u skladu sa važećim propisima ili putem naredbi od strane ovlaštenih lica.

### **Član 15.**

Svaki zaposlenik, pripravnik, volonter ili spoljni saradnik koji radi u Kampusu ima slijedeće dužnosti:

- da se pridržava propisanih mjera zaštite od požara utvrđenih zakonom, Pravilnikom i drugim propisima, kao i upozorenjima odgovornog lica u Kampusu,
- da se prilikom zasnivanja radnog odnosa, zaključivanje ugovora sa Kampusom o radu iz nekog drugog osnova, upozna sa propisima i mjerama zaštite od požara, te praktičnom upotrebom mjera zaštite od požara, a šefovi službi su dužni da takva lica upute odgovornom licu koje će ih upoznati sa naprijed navedenim mjerama,
- da se, u slučaju potrebe, koristi sredstvima i opremom za zaštitu od požara, da ova sredstva namjenski koristi, da pažljivo rukuje opremom i istu ne udaljava od određenog mjesta,
- da obavijesti odgovorno lice o kvarovima, nedostacima i drugim pojavama na instalacijama i uređajima koji bi mogli izazvati požar,
- da poslije završenog rada pregleda okolinu u radnom prostoru i isključi energetske uređaje kad za njihovom potrošnjom prestane potreba,
- da se stara o prohodnosti svih prilaza, hodnika, stepeništa, a naročito požarnih puteva,
- da učestvuje u spašavanju i pružanju prve pomoći u slučaju nesreće na radnom mjestu izazvane požarom, kao i drugim poslovima spašavanja materijalnih dobara bez obzira na propisano radno vrijeme i kvalifikaciju,
- sa obavlja i druge poslove u vezi zaštite od požara koji mu naloži odgovorno lice.

### **Član 16.**

Svaki zaposlenik, pripravnik, volonter ili spoljni saradnik koji primijeti da postoji neposredna opasnost od izbijanja požara ili primijeti požar, dužan je da opasnost otkloni ili ugasi započeti požar, ako to može bez opasnosti po sebe i druge.  
Ako lice iz prethodnog stava ne može da otkloni opasnost od izbijanja požara ili sam ugasi požar, dužan je o opasnosti ili požaru obavjestiti neposrednog rukovoditelja, najbližu vatrogasnu jedinicu ili stanicu policije.

## **VI - ODGOVORNOST ZBOG NEPRIDRŽAVANJA PROPISANIH I NALOŽENIH MJERA ZAŠTITE OD POŽARA**

### **Član 17.**

Svaki zaposlenik, pripravnik, volonter ili spoljni saradnik Kampusu je dužan da se u svom radu pridržava mjera zaštite od požara propisanim zakonom kao i drugim aktima donijetim na osnovu zakona i ovog Pravilnika, kao i mjera koje im na osnovu propisa nalažu odgovorni zaposlenici kao i inspekcijски organi.

### **Član 18.**

**Nepridržavanje mjera zaštite od požara navedenih u prethodnom članu predstavlja težu povredu radne obaveze.**

**Svaki zaposlenik, koji primijeti da je učinjena teža povreda iz radnog odnosa zbog nepridržavanje propisa mjere zaštite od požara, dužan je da podnese prijavu o istom odgovornom licu.**

## **VII - OBUKA IZ OBLASTI ZAŠTITE OD POŽARA**

### **Član 19.**

Obrazovanje zaposlenika, pripravnika, volontera i spoljnih saradnika vrši odgovorno lice za zaštitu od požara i obavlja se po programu zaštite od požara i to:

- za novoprimljene zaposlenika,
- za sve ostale obavlja se provjera znanja jedanput godišnje, vezano za rukovanje aparatima, uređajima i sredstvima za gašenje požara.

### **Član 20.**

Program obučavanja izrađuje stručno osposobljenje organizacija za obuku iz oblasti zaštite od požara i obavljanja poslova iz protiv požarne zaštite.

### **Član 21.**

Obuka iz oblasti zaštite od požara sastoji se iz teorijskog i praktičnog dijela i obavlja se za sva lica bez obzira na kojim radnim mjestima rade.

### **Član 22.**

Obuku i provjeru znanja iz oblasti zaštite od požara vrši samo lice sa visokom i višom stručnom spremom koja poznaju oblast zaštite od požara, ovlašteno da vrši takvu djelatnost.

### **Član 23.**

O završnoj obuci, odnosno provjeri znanja, odgovorno lice vodi odgovarajuću evidenciju.

## **IX - TEHNIČKA OPREMA, SREDSTVA ZA GAŠENJE POŽARA I POSTUPCI U SLUČAJU GAŠENJA POŽARA**

### **Član 24.**

Objekti, radni prostor i uređaji Kampusu moraju biti obezbijeđeni sredstvima i opremom za gašenje požara.

Evidenciju sprava i uređaja za gašenje požara vodi odgovorno lice.

Sredstva za gašenje požara sačinjavaju vatrogasni aparati.

Vrstu, raspored i količinu vatrogasnih aparata propisuje ovlaštena institucija na osnovu proračuna požarnog opterećenja i požarne opasnosti.

Ova sredstva moraju se obezbjeđiti da ne dođe do pomjeranja i nikada se ne smiju zatrpavati. Moraju se redovno kontrolirati i održavati u ispravnom stanju.

Pored pregleda koji se vrši od strane nadležnog organa ili društva, aparate treba upućivati u stručne servise u skladu sa uputstvom proizvođača, te nakon svakog aktiviranja vatrogasnog aparata .

### **Član 25.**

Prilikom dojava požara telefonom moraju se dati sljedeći podaci :

- mjesto izbijanja požara ;
- priroda i veličina požara ;
- mjesto dojava požara i
- lični podaci lica koje prijavljuje požar.

## **VIII – ZAVRŠNE ODREDBE**

### **Član 26.**

Sastavni dio ovog Pravilnika su :

- Program obuke radnika iz oblasti zaštite od požara i
- Grafički prikaz sa unijetim rasporedom opreme za gašenje požara .

### **Član 27.**

Ukoliko Pravilnikom nisu regulirana neka pitanja iz oblasti zaštite od požara, primjenjivat će se direktno odredbe Zakona o zaštiti od požara i tehničkih propisa.

### **Član 28.**

Izmjene i dopune ovog Pravilnika vrši se na način i po postupku za njegovo donošenje.

### **Član 29.**

Ne pridržavanje odredaba ovog Pravilnika predstavlja težu povredu radne dužnosti.

### **Član 30.**

Ovaj Pravilnik stupa na snagu danom donošenja, a objavljuje se na oglasnim pločama službi Kampusu.

**PREDSJEDNIK  
UPRAVNOG ODBORA  
Enes Bezdob**



Sarajevo, novembar 2008.god.  
Broj: 35-01-02-725/08